

909

sepulchri vidissent & audissent, Dominum resuscitatum, & ex plurimis indiciis resurrectionem ejus cognovissent, & credidissent, hoc lætum nuncium etiam collegialiter *Thomæ* proposuissent, & ipsum ad fidem resurrectionis suscipiendam commovere voluissent dicentes, *Vidimus Dominum* v. 25. tamen ille fidem recipere noluit inquit. *Nisi videro in manibus ejus vestigia clavorum, & mittam digitum meum in locum clavorum, & mittam manum meam in latus ejus, non credam,* ibid. sed quamprimum se Dominus Jesus eidem manifestavit, & verbum paschalis lucis eidem communicavit, dicens omnibus discipulis, *Pax vobis* v. 26. & *Thomæ* peculiariter: *Infer digitum tuum huc, & vide manus meas, & adfer manum tuam, & mitte in latus meum, & noli esse INCREDULUS, sed FIDELIS* v. 27. statim omnis incredulitas evanuit, cæcitas oculorum, surditas aurium, & earum occlusio, durities cordis, & obstaculum omne paschalis *Mnemosophias* disparuit, & ex intellectus illuminatione, cordis fidelis apertione, *Thomas* in hæc, fide plenissima, verba prorupit inquit: v. 18. *Dominus meus, & DEUS meus,* & elogium fidelis discipuli Paschalis retulit: *Quia vidisti me, Thomas, credidisti: Beati, qui non viderunt, & crediderunt.* v. 29. Partim personis sociis, sicut hac in re satis illustris est historia duorum discipulorum *Emaunticorum* *Luc. XXIV. 13. seq.* Nam hi nihil de mysteriis paschalibus cognoscebant, ipsum Jesum resuscitatum præsentem, simul iter facientem, & secum colloquentem, non agnoscebant, de rebus gestis tempore passionis & mortis mutuo quidem, sed absque spe resurrectionis, inter se conferebant v. 20. 21. rumores paschales pro terroribus, relationes mulierum pro vanis narrationibus, apparitiones angelorum pro fabulis anilibus, annunciations & intimationes paschales angelorum pro dubiis, aut falsis traditionibus, recognitiones Apostolorum pro falsis aut incertis indiciis, habuerunt, & stulti, quoad intellectum, & tardi, quoad cordis conceptum, manserunt, & ea de causa gravissimam Doctores paschalis reprehensionem incurrerunt v. 25. *Ostulti, & tardi corde, ad credendum in omnibus, quæ locuti sunt propheta: sed quamprimum Christus scientia paschalis,*